

ուած են Երեմիայի արձակ և ոտանաւոր գրութիւնները⁽¹⁾ :

Այդ Զեռագրերը սեպհականութիւնն են մեր Մատենադարանին ու կը կրեն 1058, 1059 և 1042 թուահամարները : Ատոնց մէջէն խնամով օրինակեցինք Երեմիայի հայերէն և թուրքերէն գրութիւնները ու զանոնք իրարմէ անջատելով՝ խմբաւորեցինք Ա. Թուղբեր, Բ. Ուղերձներ և Գ. Գանձեր եւ Ողբեր ընդհանուր վերնագրերու ներքեւ, որոնց վրայ աւելցուցինք երեք Խրատական քերթուածներ : Ուշագիր եղանք ըստ կարելւոյն ժամանակագրական կարգի վերածել զանոնք, իսկ այն կտորները որոնց թուականները չեն նշանակուած՝ պահեցինք այն կարգով ինչպէս որ են Զեռագրերուն մէջ :

Ատորեւ կու տանք այդ երեք Զեռագրերուն նկարագրութիւնը առանձին առանձին, իրենց մանրամասն բովանդակութեամբ :

1. Զեռ. Թիւ 1058. ՀԱԻԱՔԱԾՈՅ : Թուղբ՝ 124 : Մեծութիւն՝ 20,3 × 14 սմ : 'Իրութիւն՝ միասիւն : Տղփ՝ խառն : Նիւր՝ թուղթ, նուրբ, բաց դեղնագոյն : Կազմ՝ քարթնակազմ, կոնակը՝ կաշի : Հանդակներ՝ ընդհանրապէս լաւ : Գիր՝ նոտր : Խորագիր՝ մերթ սե մերթ կարմիր, ինչպէս նաեւ գլխագրերը : Դասարկ՝ թղ. 1-10, 14բ. 44ա, 61բ. 62բ. 63բ. 67ա, 71բ-77ա, 78բ, 85բ-88բ, 92բ-94ա, 95-105, 117ա, 120-124 : Ժառանգական փշ. գարու երկրորդ կէսին զանազան տարիներ, հա-

(1) Այդ գրութեանց և Երեմիայի ուրիշ աշխատութեանց համառօտ մէկ ցուցակը ժամանակին հաղորդած ենք Մեծ. Տղթ. Թորգոմեանի, որ հրատարակած է իր Ասամբոյոյ Պատմութեան մէջ (էջ 734-37), ապա աւելի ընդարձակ և ճշգրտած ցուցակը հաղորդեցինք Գեր. Հ. Ակինեանի, որ հրատարակեց իր Երեմիա Զէլեպի աշխատութեան մէջ (էջ 94, 129-31, 136-81, 189-90) :